



ঢাকা মাদরাসা مَدْرَسَةُ دَاكَا DHAKA MADRASAH

আমাদের দেশ বাংলাদেশ। বাংলাদেশ আমাদের প্রিয় চিরসবুজ দেশ/আমাদের দেশ চিরসবুজ দেশ। চারিদিকে সবুজ আর সবুজ। পদ্মা, মেঘনা ও যমুনা এ দেশের প্রধান প্রধান নদী। ইলিশ আমাদের জাতীয় মাছ। ধান বাংলাদেশের প্রধান ফসল। ধান থেকে চিড়া ও চাল হয়। চাল থেকে মুড়ি ও ভাত হয়।

বারো মাসে ছয় ঋতু হয়। দু'মাস পরপর ঋতু বদল হয়। বৈশাখ মাস থেকে বাংলা বছর শুরু হয়। বৈশাখ মাসে কখনো কখনো অনেক জোরে ঝড় হয়। বৈশাখ-জ্যৈষ্ঠ এই দুই মাসে গ্রীষ্মকাল থাকে। আষাঢ়-শ্রাবণ এই দুই মাসে বর্ষাকাল থাকে। ভাদ্র-আশ্বিন এই দুই মাসে শরৎকাল থাকে। কার্তিক-অগ্রহায়ণ এই দুই মাসে হেমন্তকাল থাকে। পৌষ-মাঘ এই দুই মাসে শীতকাল থাকে। ফাল্গুন-চৈত্র এই দুই মাসে বসন্তকাল থাকে।

গ্রীষ্মকাল: বৈশাখ মাস থেকে বাংলা বছর শুরু হয়। বৈশাখ মাসে কখনো কখনো অনেক জোরে ঝড় হয়। গ্রীষ্মকালে প্রচুর গরম পড়ে। গরমের কারণে শুষ্ক মাঠ খাঁ খাঁ করতে থাকে।

বর্ষাকাল: আষাঢ়-শ্রাবণ মাসে যখন তখন ঝামঝাম বৃষ্টি হয়। কখনো কখনো অতি বৃষ্টির ফলে বন্যা হয়।

শরৎকাল: শরৎকালে সাদা সাদা মেঘের ভেলা আকাশে ভেসে বেড়ায়। শরৎকালে শিউলি ফুলের গন্ধে মন ভরে যায়।

হেমন্তকাল: হেমন্তকালে মাঠে মাঠে ধান পাকে। হেমন্তকালে মাঠে মাঠে পাকা ধান বাতাসে দোল খায়।

শীতকাল: শীতকালে পিঠা খাবার ধুম পড়ে। শীতকালে সকাল সন্ধ্যায় কুয়াশা নামে।

বসন্তকাল: বসন্তকালে ফুলের ঘ্রাণে মুগ্ধ হয় মন। বসন্তকালে প্রকৃতি নতুন সাজে সজ্জিত হয়। গাছে গাছে নতুন পাতা গজায়। প্রকৃতিতে নানা রকমের ফুল ফোটে। মৌমাছি ও প্রজাপতি মনের আনন্দে ফুলে ফুলে ওড়ে বেড়ায়। বসন্তকালে গাছে গাছে কোকিল ডাকে। শীতকালে গরম কাপড় বেশি প্রয়োজন।